

Član 23.

Zaštitni fond je dužan regresno potraživanje pokušati ostvariti mirnim putem, slanjem regresnog zahtjeva – prijedloga za izvansudsku nagodbu, direktno na adresu regresnog dužnika.

Član 24.

Odluku o načinu plaćanja regresnog duga donosi direktor Zaštitnog fonda.

Član 25.

Ako regresni dužnik ne izvrši svoju obavezu mirnim putem, protiv njega Zaštitni fond može podnijeti tužbu pred nadležnim sudom, radi naplate iznosa regresnog duga.

OBAVJEŠTAVANJE AGENCIJE ZA NADZOR

Član 26.

Direktor Zaštitnog fonda će Agenciji za nadzor osiguranja Federacije BiH dostavljati statističke i finansijske izvještaje u skladu sa Odlukom o izvještajima Zaštitnog fonda Federacije BiH ("Službene novine Federacije BiH", br. 25/14 i 31/14).

PRELAZNE I ZAVRŠNE ODREDBE

Član 27.

Zahtjeve koji se već nalaze na obradi u članicama Zaštitnog fonda do dana stupanja na snagu ovog Pravilnika treba obraditi u skladu sa odredbama ovim Pravilnikom.

Zahtjevi za koje je obavljen komisijski pregled i u kojima članice trebaju zaključiti sporazum o vansudskom poravnanju do stupanja na snagu ovog Pravilnika biće završeni po dosadašnjoj proceduri.

Reaktivirane štete koje su završene prije stupanja na snagu ovog Pravilnika obradit će se u skladu sa odredbama ovog Pravilnika.

Član 28.

Ovaj Pravilnik stupa na snagu danom usvajanja na sjednici Skupštine Zaštitnog fonda Federacije BiH uz prethodno pribavljenu saglasnost Agencije za nadzor osiguranja Federacije BiH.

Stupanjem na snagu ovog Pravilnika stavlja se van snage Pravilnik o obradi i isplati šteta Zaštitnog fonda broj 1.0.-059-949/06 od 07.09.2006. godine.

Broj 1.0.-059-6399/15

17. decembra/prosinca

2015. godine

Sarajevo

Predsjedavajući Skupštine

Marina Miočić-Hamidović, s. r.

OPERATOR ZA OBNOVLJIVE IZVORE ENERGIJE I EFIKASNU KOGENERACIJU**1980**

Na osnovu člana 10. stav (1) tačka a) i člana 21. Zakona o korištenju obnovljivih izvora energije i efikasne kogeneracije ("Službene novine Federacije BiH", br. 70/13 i 5/14), člana 6. stav (3) Pravilnika o obaveznom udjelu i preuzimanju električne energije proizvedene iz obnovljivih izvora energije ("Službene novine Federacije BiH", br. 50/14 i 82/15), člana 22. Statuta Operatora za obnovljive izvore energije i efikasnu kogeneraciju, broj 01-242/14 od 02.09.2014. godine, na prijedlog direktora, Upravnog odbora Operatora za obnovljive izvore energije i efikasnu kogeneraciju, na sjednici održanoj dana 27.11.2015. godine, donosi

ODLUKU**O DINAMICI DOSTAVE PODATAKA KOJI SLUŽE U SVRHU UTVRĐIVANJA KOLIČINA PREUZIMANJA ELEKTRIČNE ENERGIJE IZ OIE**

Član 1.

(Predmet)

Ovom Odlukom o dinamici dostave podataka koji služe u svrhu utvrđivanja količina preuzimanja električne energije iz OIE (u daljem tekstu: Odluka) Operator za obnovljive izvore energije i efikasnu kogeneraciju (u daljem tekstu: Operator za OIEiEK) propisuje rokove i način dostavljanja podataka koji služe u svrhu utvrđivanja količina preuzimanja električne energije iz OIE, a koje su obavezni dostavljati kvalifikovani proizvođači, proizvođači iz postrojenja koja se nalaze u probnom radu, a koja proizvode električnu energiju iz OIE u Federaciji BiH, snabdjevači koji snabdjevaju krajnje kupce u Federaciji BiH i kvalifikovani kupci koji uvoze električnu energiju za vlastite potrebe.

Član 2.

(Definicije)

Definicije pojmova koji se koriste u ovoj Odluci imaju značenja utvrđena u Zakonu o električnoj energiji u Federaciji Bosne i Hercegovine ("Službene novine Federacije BiH", broj 66/13/), Zakonu o korištenju obnovljivih izvora energije i efikasne kogeneracije ("Službene novine Federacije BiH", br. 70/13 i 5/14) i Pravilniku o obaveznom udjelu i preuzimanju električne energije proizvedene iz obnovljivih izvora energije ("Službene novine Federacije BiH", br. 50/14 i 82/15).

Član 3.

(Cilj donošenja Odluke)

Cilj donošenja ove Odluke je detaljnije definisanje postupka dostave podataka od strane kvalifikovanih proizvođača, proizvođača iz postrojenja u probnom radu koja proizvode električnu energiju iz OIE, snabdjevača koji snabdjevaju krajnje kupce u Federaciji BiH i kvalifikovanih kupaca koji uvoze električnu energiju za vlastite potrebe, kako bi Operator za OIEiEK mogao vršiti mjesečni obračun količina preuzimanja električne energije za snabdjevače i kvalifikovane kupce, a na osnovu koeficijenta ostvarenja i potrošnje električne energije krajnjih kupaca pojedinog snabdjevača i kvalifikovanih kupaca.

Član 4.

(Planovi i ostvarenja proizvodnje električne energije)

- (1) Kvalifikovani proizvođači i proizvođači iz postrojenja u probnom radu koja proizvode električnu energiju iz OIE dostavljaju do 30. septembra tekuće godine Operatoru za OIEiEK godišnje planove proizvodnje električne energije iz postrojenja koja koriste OIE za narednu godinu. Kvalifikovani proizvođači i proizvođači iz postrojenja u probnom radu koja proizvode električnu energiju iz OIE su dužni detaljno obraditi moguća odstupanja proizvodnje električne energije.
- (2) Godišnji planovi proizvodnje iz stava (1) ovog člana iskazani su kroz mjesečne periode.
- (3) Godišnji planovi proizvodnje iz stava (1) ovog člana dostavljaju se na obrascu OIE PPR_{kp} 1.1, koji je sastavni dio ove Odluke.
- (4) Kvalifikovani proizvođači i proizvođači iz postrojenja u probnom radu koja proizvode električnu energiju iz OIE dostavljaju Operatoru za OIEiEK podatke o ostvarenoj mjesečnoj proizvodnji najkasnije do 05. u tekućem mjesecu za prethodni mjesec.
- (5) Podaci o ostvarenoj mjesečnoj proizvodnji iz stava (4) ovog člana dostavljaju se na obrascu OIE OPR_{KPm} 1.1, koji je sastavni dio ove Odluke.

Član 5.

(Planovi i ostvarenja potrošnje električne energije)

- (1) Snabdjevači koji snabdijevaju krajnje kupce u Federaciji BiH i kvalifikovani kupci koji uvoze električnu energiju za vlastite potrebe dostavljaju podatke o planiranoj godišnjoj potrošnji električne energije do 30.09. tekuće godine za narednu godinu.
- (2) Podaci o planiranoj godišnjoj potrošnji iz stava (1) ovog člana dostavljaju se na obrascu OIE PPO_{kk} 1.1, koji je sastavni dio ove Odluke.
- (3) Snabdjevači koji snabdijevaju krajnje kupce u Federaciji BiH i kvalifikovani kupci koji uvoze električnu energiju za vlastite potrebe dostavljaju podatke o ostvarenoj mjesečnoj potrošnji električne energije do 05. u tekućem mjesecu za prethodni mjesec.
- (4) Podaci o ostvarenoj mjesečnoj potrošnji iz stava (3) ovog člana dostavljaju se na obrascu OIE POKK_m 1.1, koji je sastavni dio ove Odluke.

Član 6.

(Način dostavljanja podataka)

Podaci se dostavljaju na adresu Operatora za OIEiEK, u pisanom i u elektronskom obliku, do datuma koji je određen ovom Odlukom.

Član 7.

(Tabelarni prikaz)

Sastavni dio ove Odluke je tabelarni prikaz dinamike dostave podataka koji služe u svrhu utvrđivanja količina preuzimanja električne energije iz OIE.

Član 8.

(Potvrda izvora informacija)

- (1) Za istinitost, potpunost, tačnost i blagovremeno dostavljanje podataka odgovorni su kvalifikovani proizvođači,

proizvođači iz postrojenja u probnom radu koja proizvode električnu energiju iz OIE, snabdjevači koji snabdijevaju krajnje kupce u Federaciji BiH i kvalifikovani kupci koji uvoze električnu energiju za vlastite potrebe.

- (2) Operator za OIEiEK ne odgovara za posljedice koje mogu nastati po obveznika dostave podataka iz stava (1) ovog člana zbog zloupotrebe elektronske komunikacije.

Član 9.

(Dostavljanje dodatnih informacija)

Kvalifikovani proizvođači, proizvođači iz postrojenja u probnom radu koja proizvode električnu energiju iz OIE, snabdjevači koji snabdijevaju krajnje kupce u Federaciji BiH i kvalifikovani kupci koji uvoze električnu energiju za vlastite potrebe dužni su na zahtjev Operatora za OIEiEK osigurati i dostaviti i druge tražene podatke u roku navedenom u zahtjevu ako je to potrebno radi obračuna količina preuzimanja električne energije.

Član 10.

(Tumačenje Odluke)

- (1) Tumačenje odredbi ove Odluke daje Operator za OIEiEK.
- (2) Izmjene i dopune ove Odluke vrše se po istom postupku koji se primjenjuje za njegovo donošenje.

Član 11.

(Završna odredba)

Ova Odluka stupa na snagu osmog dana od dana objavljivanja u "Službenim novinama Federacije BiH".

Broj 01-933/15

27. novembra 2015. godine

Mostar

Predsjednik

Mr. sci. **Izmir Hadžić**, s. r.

Tabelarni prikaz dinamike dostave podataka koji služe u svrhu utvrđivanja količina preuzete električne energije iz OIE			
Oznaka obrasca	Vrsta podataka (oznaka/opis)	Strana odgovorna za dostavu podataka	Rok za dostavu podataka
OIE PPR _{kp} 1.1	PPR _{kp} /Planirana godišnja proizvodnja električne energije kvalifikovanih proizvođača i proizvođača električne energije iz postrojenja u probnom radu koja proizvode električnu energiju iz OIE	Kvalifikovani proizvođači i proizvođači električne energije iz postrojenja u probnom radu, a koji imaju potpisan ugovor o otkupu sa Operatorom za OIEiEK	<i>Najkasnije do 30.09. tekuće godine za narednu godinu</i>
OIE OPR _{KPm} 1.1	OPR _{KPm} - ukupna ostvarena proizvodnja električne energije kvalifikovanih proizvođača i postrojenja u probnom radu koja proizvode električnu energiju iz OIE u Federaciji Bosne i Hercegovine u m-tom mjesecu	Kvalifikovani proizvođači i proizvođači električne energije iz postrojenja u probnom radu koji imaju potpisan ugovor o otkupu sa Operatorom za OIEiEK	<i>Najkasnije do 5. u mjesecu za prethodni mjesec</i>
OIE PPO _{kk} 1.1	PPO _{kk} /Planirana godišnja potrošnja električne energije krajnjih kupaca u Federaciji Bosne i Hercegovine	Snabdjevači krajnjih kupaca, kvalifikovani kupci	<i>Najkasnije do 30.09. tekuće godine za narednu godinu</i>
OIE PO _{KKm} 1.1	PO _{KKm} - potrošnja električne energije krajnjih kupaca pojedinog snabdjevača ili potrošnja kvalifikovanog kupca, u m-tom mjesecu.	Snabdjevači krajnjih kupaca, kvalifikovani kupci	<i>Najkasnije 5. u mjesecu za prethodni mjesec</i>

Obrazac OIE PPR_{kp} 1.1 - Planirana godišnja proizvodnja

Naziv proizvođača	Naziv proizvodnog objekta	Instalisana snaga (kW)	Mjesec	Ukupna proizvodnja	Vlastita potrošnja	Ukupna proizvodnja na pragu
				(kWh)	(kWh)	(kWh)
			I			
			II			
			III			
			IV			
			V			
			VI			
			VII			
			VIII			
			IX			
			X			
			XI			
			XII			
			UKUPNO			

Obrazac OIE OPR_{KPM} 1.1 - Ukupna ostvarena mjesečna proizvodnja

Naziv proizvođača	Naziv proizvodnog objekta	Instalisana snaga (kW)	Mjesec	Ukupna proizvodnja	Vlastita potrošnja	Ukupna proizvodnja na pragu
				(kWh)	(kWh)	(kWh)
			I			
			II			
			III			
			IV			
			V			
			VI			
			VII			
			VIII			
			IX			
			X			
			XI			
			XII			
			UKUPNO			

Obrazac OIE PPO_{kk} 1.1 - Planirana godišnja potrošnja

Naziv snabdjevača / kvalifikovanog kupca		
Godina	Naponski nivo	Planirana potrošnja električne energije (kWh)
	110 kV	
	35 kV	
	10 kV	
	0.4 kV (Domaćinstva)	
	0.4 kV (Ostala potrošnja)	
	0.4 kV (Javna rasvjeta)	
	Ukupno	

Obrazac OIE PO_{kk}m 1.1 – Mjesečna potrošnja

Naziv snabdjevača / kvalifikovanog kupca		Naponski nivo	Potrošnja električne energije (kVWh)
	110 kV		
	35 kV		
	10 kV		
	0.4 kV (Domaćinstva)		
	0.4 kV (Ostala potrošnja)		
	0.4 kV (Javna rasvjeta)		
	Ukupno		